

I - ARABAKO BATZAR NAGUSIAK ETA ARABAKO LURRALDE HISTORIKOAREN FORU ADMINISTRAZIOA

Arabako Foru Aldundia

ENPLEGU, MERKATARITZA ETA TURISMO SUSTAPENAREN ETA FORU ADMINISTRAZIOAREN SAILA

Diputatuen Kontseiluaren 499/2016 Erabakia, abuztuaren 3koa, onartzen duena Arabako Foru Aldundiaren Administrazio Orokorren zerbitzura dauden funtzionarioen plazen enplegu eskaintza 2016rako

Uztailaren 6ko 6/1989 Legeak, Euskal Funtzio Publikoarenak, 23.1 artikuluan, azaroaren 7ko 16/1997 Legeak emandako idazkeran, xedatutakoarekin bat etorriz, "Administrazio Publiko bakoitzeko langileekin bete ezin diren giza baliabideak, hots, aurrekontu-izendapena dutenak, enplegu publikorako eskaintzaz beteko dira"

Urriaren 29ko 48/2015 Legeak, Estatuaren 2016ko Aurrekontu Orokorrenak, 20. artikuluan mugak eta betekizunak ezartzen ditu langile berriak sartzeko 2016ko ekitaldirako, muga horien barruan onartuta, betiere errespetatuz gastuen aurrekontuen I. kapituluko aurrekontu baliabideak, hurrengo sektore eta administrazioetan, eta finkatuta berriztatze tasa gehienez ere ehuneko 100 izango dela kasu hauetan, besteak beste:

E) Herri administrazioei, hauei dagokienez: zerga, lan, dirulaguntza publikoen iruzurraren aurkako kontrola eta borroka, eta Gizarte Segurantzaren arloan, eta baliabide publikoak eraginkortasunez esleitzeko kontrola.

F) Herri administrazioei, lege aholkularitzari eta baliabide publikoak kudeatzeari dagokienez.

Halaber, aurrekontu araudiko xedapen horrek, 3. eta 4. ataletan, hau ezartzen du:

3. Aurreko atalean jasotzen ez diren sektore eta administrazioetan, berriztatze tasa ehuneko 50 izango da gehienez ere.

4. Giza baliabideak berriztatze tasa kalkulatzeko, aurreko atalean aipatzen den gehieneko ehuneko aplikatuko da 2015eko aurrekontu ekitaldian aurreko atalean jasotzen diren sektore, arlo, kidego edo kategoria bakoitzean zerbitzuak emateari utzi zioten langile finkoen kopuruaren eta ekitaldi berean, edozein arrazoi dela eta, –enplegu publikoaren eskaintzakoak edo lanpostua gorde beharrik ez dakarten egoeretatik berriro sartuak izan ezik– horietan sartu diren langile finkoen kopuruaren aldearen gainean. Ondorio horietarako, zerbitzuak emateari uzteak zenbatuko dira egoera hauetan: jubilazioa, erretiroa, hiltzea, uko egitea, eszedentzian egotea lanpostua gordeta eduki gabe, karrerako funtzionarioa izateari uztea edo lan kontratua bukatzea, edo lanpostua gordetzea edo uzten den administrazioaren kontura ordainsariak jasotzea eskatzen ez duen beste edozein administrazio egoera.

Ez dira zenbatuko giza baliabideak berriztatze tasa ondoriotzatutako gehieneko plaza kopuruaren barruan, barne promozio prozesuen bidez betetzeko ateratzen diren plazak.

Halaber, kontuan hartu behar dira, langileak sartzeko direnerako, 2007an egin zen azkeneko enplegu eskaintzaren ondoren estatuaren 2008tik 2013ra arteko aurrekontu orokorren legeetan jasoriko gaikuntzak; era berean, kontuan hartu behar da gaikuntza hori ez dela posible 2014. eta 2015. urteetako estatuaren aurrekontuen legeei dagokienez, urte horietako ekitaldi bakoitzean onartu behar baitzen enplegu eskaintza.

Ordezkaritza duten sindikatuekin negoziatu ondoren, apirilaren 12ko 7/2007 Legeak, enplegatu publikoaren oinarrizko estatutuarenak, 37.1.1) artikuluan jasotzen duena betez, erabaki honen xede da onartzea Arabako Foru Aldundiaren Administrazio Orokorraren 2016rako enplegu publikoaren eskaintza, non, urriaren 29ko 48/2015 Legeak, Estatuaren 2016ko Aurrekontu Orokorrarenak, 20. artikuluan xedatutakoaren arabera, jasotzen diren aurrekontu zuzkidura duten eta zerbitzu publikoak ondo funtzionatzeko horiek betetzea luzaezina dela jotzen diren lanpostu hutsak, sartuta enplegu eskaintzan bai sistema irekiz bai barne sustapeneko sistemaz –sarbide sistema bietan txanda orokor zein ezinduentzako gordetako kupokoak– bete behar diren plazak.

Enplegu, Merkataritza eta Turismo Sustapenaren eta Foru Administrazioaren Saileko foru diputatuak hala proposatuta eta bat etorri ondoren aipatzen diren xedapenek ezarritakoarekin: uztailaren 6ko 6/1989 Legeak, Euskal Funtzio Publikoarenak, 6.1.e) artikuluan; Diputatu Nagusiaren uztailaren 3ko 132/2015 Foru Dekretua, Arabako Foru Aldundiaren sailak zehazten dituena; Diputatuen Kontseiluaren uztailaren 30eko 154/1993 Foru Dekretua, funtzio publikoaren arloko eskumenak ezartzen dituena; eta Diputatuen Kontseiluaren otsailaren 9ko 10/2016 Foru Dekretua, funtzio publikoaren gaietan eskumena duen sailaren egitura organikoa eta funtzionala onartzen duena, hau

ERABAKITZEN DUT

Lehenengoa. Onartzea Arabako Foru Aldundiaren Administrazio Orokorraren zerbitzura dauden funtzionarioen eta erabaki honen eranskinean jasotzen diren plazen enplegu eskaintza 2016rako.

Bigarrena. Euskal Funtzio Publikoaren 6/1989 Legearen 55. eta 56. artikuluetan jasotakoa betez, eskala bakoitzean gorde beharrekoak dira barne promozioz betetzeko aipatutako eranskinean jasoak.

Hirugarrena. 1. Urriaren 30eko 5/2015 Legegintzako Errege Dekretuak, enplegatu publikoaren oinarrizko estatutuaren legearen testu bateratua onartzen duenak, 59. artikulua; euskal funtzio publikoaren 6/1989 Legearen zazpigarren xedapen gehigarria; eta araudi aplikagarria betez, finkatzen da lanpostu hutsen kopuru bat, ehuneko 33ko edo gehiagoko ezintasuna duten pertsonen bete beharrekoa, baldin eta hautaprobak gairatu eta bere garaian egiaztatzen badute aipatutako ezintasun maila. Plaza kopuru hori ehuneko 7 izango da: ehuneko 2 adimen ezintasuna egiaztatzen dutenentzat eta gainerakoak beste edozein ezintasun mota egiaztatzen dutenentzat.

2. Adimen ezinduentzat gordetako plazak aparteko deialdi batean aterako dira Arabako Foru Aldundiaren eremu barruan.

3. Ezinduentzat gordetako gainerako plazak plaza arruntekin batera deituko dira, erabaki honen eranskinean finkatzen denez, eta deitzen diren hautapen prozeduretan gainerako hautagaiak dituzten baldintza berberekin onartuko dira. Gainera, hala eskatzen duten ezinduentzat, hautaprobetan denbora eta baliabideak egokituko dira, baldin eta egokitzapen horiek proben edukia aldatzen ez badute edo horietan eskatzen den gaitasun maila gutxitzen edo kaltetzen ez bada.

Laugarrena. Aipatutako eranskinean derrigorrezko hizkuntza eskakizuna duten plazak finkatzen dira, eta nahitaezkoa izango da hura betetzea plaza eskuratzeko.

Bosgarrena. Sartzeko sistema orokorra oposizio-lehiaketa izango da.

Seigarrena. Eskaintako plazak eskuratzeko prozedura eta betekizunak kasuan kasuko deialdietan finkatuko dira, Enplegu, Merkataritza eta Turismo Sustapenaren eta Foru Administrazioaren Saileko foru diputatuaren foru aginduz onartuko diren oinarrien arabera.

Zazpigarrena. Urriaren 30eko 5/2015 Legegintzako Errege Dekretuak, enplegatu publikoaren oinarrizko estatutuaren legearen testu bateratua onartzen duenak, 70.1 artikuluan

ezarritakoarekin bat etorritik, hautaketa prozesuak gehienez ere hiru urteko epearen barruan deitu beharko dira, erabaki hau ALHAOn argitaratu eta hurrengo egunetik aurrera kontatzen hasita.

Zortzigarrena. Argitaratzea erabaki hau eta bere eranskina ALHAOn, eta honen laburpena Euskal Herriko Agintaritzaren Aldizkarian.

Vitoria-Gasteiz, 2016ko abuztuaren 3a

Diputatu nagusia

RAMIRO GONZÁLEZ VICENTE

Enplegu, Merkataritza eta Turismo Sustapenaren eta Foru Administrazioaren diputatua

CRISTINA GONZÁLEZ CALVAR

ERANSKINA										
TALDEA	ESKALA, AZPIESKALA ETA KLASEA	PLAZA	SISTEMA IREKIA				BARNE SUSTAPENENKO SISTEMA			GUZTIRA
			TXANDA OROKORRA		EZINDUENTZAT GORDETAKO KUPOA		TXANDA OROKORRA			
			DDGHE	DDGHE	DDGHE	DDGHE	DDHE	DDGHE	DDGHE	
A	11 AO-T	Administrazio Orokorreko teknikariak	5	4	--	1	--	--	--	10
		Ekonomia-Enpresa zientziak	3	4	--	1	--	1	--	9
	211 AB-T-GMIT	Zuzenbidea	5	4	--	1	--	1	--	12
		Arkitektoa	--	4	--	--	--	--	--	4
		Bide, ubide eta portuetako ingeniaria	--	--	--	--	--	--	1	1
B	221 EGITEKO BEREZIAK	Nekazaritzako ingeniaria	1	--	--	--	--	--	2	3
		Zerga ikuskatzailetza	2	1	--	--	--	--	3	6
	212 AB-T-EMT	Antolaketa	4	--	--	--	--	--	--	4
		Arkitekto teknikoa	2	1	--	--	--	2	--	5
		Nekazaritzako ingeniari teknikoa	4	7	--	1	--	1	1	14
221 EGITEKO BEREZIAK	Basogintzako ingeniari teknikoa	3	--	--	--	--	2	--	5	
	Topografiako ingeniari teknikoa	1	1	--	--	--	1	--	3	
		Bibliotekonomia eta dokumentazioa	--	--	--	--	2	--	2	
			30	26	--	4	4	4	14	78

LABURTZAPENAK:

DDHE: DERRIGORTASUN DATADUN HIZK UNTZA ESKAKIZUNA
 DDGHE: DERRIGORTASUN DATARIK GABEKO HIZKUNTZA ESKAKIZUNA

ESKALAREN KODEAK:

11: ADMINISTRAZIO OROKORRA - TEKNIKARIAK
 211: ADMINISTRAZIO BEREZIA - TEKNIKARIAK - GOI-MAILAKO TEKNIKARIA
 221: ADMINISTRAZIO BEREZIA - ZERBITZU BEREZIAK - EGITEKO BEREZIAK
 212: ADMINISTRAZIO BEREZIA - TEKNIKARIAK - ERDI-MAILAKO TEKNIKARIA